



ZAPISNIK O RADU 16. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 05.01.2022. GODINE

Broj: 01-GV-02-07/22
Sarajevo, 05.01.2022. godine

Prisutni:

1. Mirela Džehverović, zamjenica predsjedavajućeg Gradskog vijeća
2. Dragan Stevanović, zamjenik predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
8. Enisa Spahić, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
11. Seid Škaljić predsjedavajući Kluba gradskih vijećnika „Narodni evropski savez (NES)-Željko Majstorović“
12. Mila Eminović Rizvanović, sekretar Gradskog vijeća

Odsutan: Jasmin Ademović, predsjedavajući Gradskog vijeća (najavljeno odsustvo)

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

U odsutnosti Jasmina Ademovića, predsjedavajućeg Gradskog vijeća sjednicom je, u skladu sa članom 33. stav 2. i člana 35. stav 3. Poslovnika Gradskog vijeća Grada Sarajeva, predsjedavala **Mirela Džehverović, zamjenica predsjedavajućeg Gradskog vijeća.**

Mirela Džehverović, zamjenica predsjedavajućeg Gradskog vijeća je otvorila sjednicu u 14.07 sati, pozdravila prisutne, te konstatovala kvorum za punovažan rad i odlučivanje.

Na prijedlog **Mirele Džehverović zamjenice predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 15. sjednice Kolegija Gradskog vijeća, održane 22.12.2021. godine.



Na prijedlog **Mirele Džehverović zamjenice predsjedavajućeg Gradskog vijeća**, Kolegij Gradskog vijeća, bez rasprave, jednoglasno, **je usvojio** dnevni red 16. sjednice Kolegija Gradskog vijeća, tako da glasi:

1. Donošenje Dinamike aktivnosti u pripremi sjednica Gradskog vijeća Grada Sarajeva u 2022. godini
2. Priprema za održavanje 11. sjednice Gradskog vijeća Grada Sarajeva
3. Tekuća pitanja

Ad1)

Donošenje Dinamike aktivnosti u pripremi sjednica Gradskog vijeća Grada Sarajeva u 2022. godini

Uvodne napomena podnijela je **Mirela Džehverović, zamjenica predsjedavajućeg Gradskog vijeća Grada Sarajeva.**

U raspravi koja je uslijedila učestvovao je član Kolegija **Seid Škaljić.**

Na poziv **Mirele Džehverović, zamjenice predsjedavajućeg Gradskog vijeća, Kolegij Gradskog vijeća**, jednoglasno, **je usvojio** sljedeći **zaključak:**

Kolegij Gradskog vijeće Grada Sarajeva usvojio je Dinamiku aktivnosti u pripremi sjednica Gradskog vijeća Grada Sarajeva u 2022. godini. (usvojena Dinamika je u prilogu ovog akta).

Ad2)

Priprema za održavanje 11. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća jednoglasno **je usvojio** sljedeći **zaključak:**

- 11. sjednica Gradskog vijeća će se održati u **srijedu 26.01.2022. godine** u Vijećnici sa početkom u **10,00 h;**
- Predlagači će materijale dostaviti Predsjedavajućem najkasnije u **petak 07.01.2022. godine**, a Prijedlog Odluke o izmjenama i dopunama Odluke o osnivanju JU „Gradski muzeji“ Sarajevo bit će dostavljen naknadno;
- Sjednice radnih tijela će se održavati počev od **ponedjeljka 10.01.2022. godine;**
- Pozivi gradskim vijećnicima za 11. sjednicu će se uputiti u **utorak 18.01.2022. godine.**

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Plana rada Grada Sarajeva za 2022. godinu, prema informaciji Gradonačelnice, **nije spreman** i neće biti uvršten u prijedlog dnevnog reda 11. sjednice Gradskog vijeća uz obrazloženje Aide Bajramović, šefa Odjeljenja za kabinetske poslove u Stručnoj službi gradonačelnice Grada Sarajeva da su aktivnosti na izradi Prijedloga Plana rada Grada Sarajeva za 2022. godinu u završnoj fazi, te će biti predložen za razmatranje na 12. sjednici Gradskog vijeća Grada Sarajeva, koja će se održati u mjesecu februaru.

Prijedlog Odluke o izmjenama i dopunama Odluke o platama i naknadama u organima Grada Sarajeva prema informaciji Gradonačelnice, **je spreman** i očekuje se da će biti uvršten u prijedlog dnevnog reda 11. sjednice Gradskog vijeća.

Prijedlog Odluke o standardima i kriterijima za izbor pravobranioca i zamjenika pravobranioca Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 11. sjednice Gradskog vijeća.

Prilikom razmatranja Prijedloga Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021./2022. godinu, koji je Programom rada Gradskog vijeća Grada Sarajeva za 2022. godinu planiran za razmatranje na 11. sjednici Gradskog vijeća, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva je predložila da se Prijedlog Odluke razmatra na 12. sjednici Gradskog vijeća, obzirom da će Gradonačelnica za 11. sjednicu Gradskog vijeća predložiti Odluku o stipendiranju učenika srednjih škola iz Budžeta Grada Sarajeva.

Član Kolegija Vedad Deljković je pristupio sjednici Kolegija Gradskog vijeća u 14.18 sati.

U raspravi koja je uslijedila o uvrštavanju Prijedloga Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021./2022. godinu u prijedlog dnevnog reda 11. sjednice Gradskog vijeća učestvovali su **Dragan Stevanović, zamjenik predsjedavajućeg Gradskog vijeća, Mirela Džehverović, zamjenica predsjedavajućeg Gradskog vijeća, član Kolegija Vedad Deljković, član Kolegija Seid Škaljić i Mila Eminović Rizvanović, sekretar Gradskog vijeća.**

Nakon rasprave, članovi Kolegija Gradskog vijeća su se saglasili da bi se **Prijedlog Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021./2022. godinu trebao uvrstiti** u prijedlog dnevnog reda 11. sjednice Gradskog vijeća.

Član Kolegija Toni Vukadin je pristupio sjednici Kolegija Gradskog vijeća u 14.28 sati.

U raspravi koja je uslijedila o načinu predlaganja članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021./2022. godinu, učestvovali su **član Kolegija Vedran Dodik, član Kolegija Vedad Deljković i član Kolegija Muamer Mekić.**

Na prijedlog člana Kolegija Toni Vukadina, članovi Kolegija Gradskog vijeća su se saglasili da klubovi gradskih vijećnika do petka 07.01.2022. godine do 12.00 sati dostave Predsjedavajućem Gradskog vijeća prijedloge kandidata za predstavnike Gradskog vijeća Grada Sarajeva u Komisiju za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021./2022. godinu.

Članovi Kolegija su se, također, saglasili da se o dostavljenim prijedlozima Kolegij Gradskog vijeća izjasni na 17. sjednici koja će se održati u ponedjeljak 10.01.2022. godine u 9.00 sati, kako bi prijedlog četiri predstavnika Gradskog vijeća Grada Sarajeva Kolegij Gradskog vijeća dostavio Komisiji za izbor i imenovanja, koja će, kao ovlašteni predlagač, utvrditi **Prijedlog Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021./2022. godinu** i uputiti ga na razmatranje na 11. sjednicu Gradskog vijeća.

Prijedlog Odluke o davanju saglasnosti na Program rada Javne ustanove "Gradski muzeji" Sarajevo za 2022. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 11. sjednice Gradskog vijeća.

Prijedlog Odluke o visini novčanog iznosa "Šestoaprilske nagrade Grada Sarajeva" u 2022. godini, čiji je predlagatelj Administrativna komisija Gradskog vijeća, **je spreman** i očekuje se da će biti uvršten u prijedlog dnevnog reda 11. sjednice Gradskog vijeća.

Mirela Džehverović, zamjenica Predsjedavajućeg Gradskog vijeća je upoznala članove Kolegija Gradskog vijeća da je uz poziv za sjednicu Kolegija, naknadno, dostavljen Zahtjev za zaštitu zakonitosti drugorangiranog kandidata Admira Jusufbegovića na listi uspješnih kandidata koju je Komisija za izbor i imenovanja dostavila gradonačelnici Grada Sarajeva u postupku izbora i imenovanja pravobranioca Pravobranilaštva Grada Sarajeva.

Član Kolegija Gradskog vijeća Vedran Dodik napustio je sjednicu Kolegija Gradskog vijeća u 14.40 sati.

U raspravi koja je uslijedila učestvovao je **član Kolegija Seid Škaljić, zamjenik predsjedavajućeg Gradskog vijeća Dragan Stevanović, Mila Eminović Rizvanović, sekretar Gradskog vijeća, član Kolegija Vedad Deljković, Mirela Džehverović, zamjenica predsjedavajućeg Gradskog vijeća, član Kolegija Adi Škaljić, član Kolegija Jasmin Skorupan**, a dodatna pojašnjenja dala je **Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva**.

Nakon rasprave, **Mirela Džehverović, zamjenica predsjedavajućeg Gradskog vijeća** je konstatovala da je Kolegij Gradskog vijeća primio k znanju Zahtjev za zaštitu zakonitosti Admira Jusufbegovića, drugorangiranog kandidata na listi uspješnih kandidata koju je Komisija za izbor i imenovanja dostavila gradonačelnici Grada Sarajeva u postupku izbora i imenovanja pravobranioca Pravobranilaštva Grada Sarajeva, te će se Zahtjev dostaviti gradonačelnici Grada Sarajeva, na dalje postupanje.

c. Novi prijedlozi:

Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva upoznala je članove Kolegija da će gradonačelnica Grada Sarajeva za 11. sjednicu Gradskog vijeća predložiti sljedeće odluke:

1. Prijedlog Odluke o stipendiranju učenika srednjih škola iz Budžeta Grada Sarajeva uz obrazloženje, koje je imalo sljedeći sadržaj:

U proteklih pet godina projekat stipendiranja učenika srednjih škola iz Budžeta Grada Sarajeva pokazao se kao izuzetno uspješan projekat, što potvrđuje činjenica da je broj prijava na konkurs za dodjelu stipendija kontinuirano rastao. Međutim, na osnovu dosadašnjeg iskustva u radu, prilikom provođenja kompletne procedure, i značajnog rasta broja prijava, kroz detaljnu analizu ustanovljeno je da je ipak potrebno pristupiti izmjeni tj. pooštavanju kriterija što je ujedno bio i jedan od zaključaka zajedničke Komisije za razmatranje, obradu i analizu pristiglih prijava na konkurs za dodjelu stipendija iz sredstava Budžeta Grada Sarajeva, odnosno sugestija Odbora za društvene djelatnosti, kao i zaključka Gradskog vijeća Grada Sarajeva.

Shodno iznesenom pristupilo se izradi novog Prijedloga Odluke o stipendiranju učenika srednjih škola iz Budžeta Grada Sarajeva, kojim su se propisali novi kriteriji, preciznije

definisali stari kriteriji, te uveli neki novi koji bi trebali doprinijeti još efikasnijem pristupu u realizaciji postupka dodjele stipendija Grada Sarajeva.

S tim u vezi predlaže se da se Prijedlog Odluke o stipendiranju učenika srednjih škola iz Budžeta Grada Sarajeva uvrsti na dnevni red januarske sjednice.

2. **Prijedlog Odluke o izmjenama i dopunama odluke o osnovanju JU „Gradski muzeji“ Sarajevo uz obrazloženje** koje je imalo sljedeći sadržaj:

Razlog za predlaganje ove tačke dnevnog reda je činjenica da se u prethodnom periodu, a i sada, aktivno radi na realizaciji projekta pridruživanja galerije (postavke) – Spomenar sobe ubijenoj djeci tokom opsade Sarajeva 1992.-1995. godina '92-'95 JU „Gradski muzeji“ Sarajevo.

Da bi se ova ideja privela kraju, neophodno je prije svega, izvršiti izmjenju i dopunu važeće Odluke o osnivanju JU „Gradski muzeji“ Sarajevo i to u dijelu u kojem bi se propisalo da se Gradski muzeji pored navedenog u Odluci, staraju i o ovoj postavci.

Ovoj Odluci će prethoditi Ugovor koji će se zaključiti između Udruženja i JU „Gradski muzeji“, a na koji Općinski načelnik Općine Centar treba dati svoju saglasnost. Radni materijal ovih akata već je pripremljen.

U ovom postupku bilo je neophodno riješiti čitav niz prethodnih pitanja, kao npr. tačan naziv postavke, ostvariti određene neophodne kontakte i korespondencije, i u konačnici pribaviti saglasnost Općine Centar koja je u odnosu na Udruženje roditelja ubijene djece opkoljenog Sarajeva, inače inicijatora ove ideje, zakupodavac prostora u kojem se postavka nalazi.

U toku sljedeće sedmice će se održati sastanak sa predstavnicima Općine Centar na kojem se treba postići konačan dogovor.

Usmeno smo obaviješteni da je Općinski načelnik Općine Centar, g-din Mandić, upoznat sa ovim predmetom, te realno očekujemo pozitivan ishod sastanka.

Navedeno su razlozi da se na ovom Kolegiju dozvoli naknadno dostavljanje materijala, a zbog izuzetne važnosti ovog projekta.

U zavisnosti od daljeg toka postupka, ovaj materijal bi se ili naknadno dostavio ili uvrstio u dnevni red Jedanaeste sjednice po hitnom postupku.

U slučaju da se ne uspije realizovati niti jedno od navedenog, materijal bi se pripremio za februaru sjednicu.

3. **Prijedlog Odluke o opredjeljenju Grada Sarajeva pristupanju projektu obnove i rekonstrukcije bob staze na Trebeviću uz obrazloženje** koje je imalo sljedeći sadržaj:

Trebević kao Olimpijska planina treba da i sada ima određene sadržaje koji su bili u funkciji za vrijeme Olimpijade u Sarajevu održane 1984. godine.

Bob staza predstavlja atrakciju i ima potencijal da obogati turističku ponudu grada. Također, obzirom da u svijetu postoji samo 13 licenciranih bob staza, obnova bi otvorila mogućnost pozicioniranja Sarajeva na mapi sportskih gradova koji mogu ugostiti ova specifična sportska takmičenja.

Naravno, možda najveći benefit bi bio razvoj zimskog sporta.

Također, važno je spomenuti to da postoji mogućnost da se buduća bob staza koristi i u ljetnom periodu za održavanje raznih sportskih ekstremnih takmičenja, koji privlače veliki broj posjetilaca.

Ova Odluka se donosi kako bi se formalizovali planovi i dala mogućnost Gradu Sarajevu da pokrene aktivnosti i učestvuje u obnovi Bob staze Trebević.

Prethodno navedeno su razlozi zbog kojih se predlaže razmatranje ovog materijala na 11. sjednici Gradskog vijeća.

Mirela Džehverović, zamjenica Predsjedavajućeg Gradskog vijeća je konstatovala da bi mogući prijedlog dnevnog reda 11. sjednice Gradskog vijeća glasio:

1. Prijedlog Odluke o izmjenama i dopunama Odluke o platama i naknadama u organima Grada Sarajeva
2. Prijedlog Odluke o standardima i kriterijima za izbor pravobranioca i zamjenika pravobranioca Grada Sarajeva
3. Prijedloga Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeće za školsku 2021./2022. godinu
4. Prijedlog Odluke o stipendiranju učenika srednjih škola iz Budžeta Grada Sarajeva
5. Prijedlog Odluke o davanju saglasnosti na Program rada Javne ustanove "Gradski muzeji" Sarajevo za 2022. godinu
6. Prijedlog Odluke o visini novčanog iznosa "Šestoaprilske nagrade Grada Sarajeva" u 2022 godini
7. Prijedlog Odluke o izmjenama i dopunama Odluke o osnivanju JU „Gradski muzeji“ Sarajevo
8. Prijedlog Odluke o opredjeljenju Grada Sarajeva pristupanju projektu obnove i rekonstrukcije bob staze na Trebeviću
9. Vijećnička pitanja i inicijative

Ad 3)

Tekuća pitanja

Obzirom da pod ovom tačkom dnevnog reda nije bilo novih prijedloga za raspravu, **Mirela Džehverović, zamjenica predsjedavajućeg Gradskog vijeća** je zaključila sjednicu Kolegija Gradskog vijeća u 15.00 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVAJUĆI GRADSKOG VIJEĆA

Jasmin Ademović, s.r.